



КОМСОМОЛОНЬ ВАЙГЯЛЬ

Сембе масторонь пролетариятне, пуромода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.

Адресь: г. Саранск, Советская ул.,
Дом печати, телефон № 1-60.

ФЕВРАЛЬ
2-ЦЕ ШИСТОНЗА
1940 КИЗОНЯ
13 № (1665)

ЛИСЕНДИ КОВТИ 12-ксть.

Республикаса сплошной грамотности инкса

Партиясь и правительствась
трудолюбивый массатнен культурный
уровенцон сяда тов касфтомаснон
фалу лувондозь и луводсазь рабо-
тань важнейшей участкас.

Октябрьский революцияда меле,
советский властть кизонзон пинг-
ста, минь великий родинаьконь
миллиотт трудящийся, большеви-
конь партиять и Ленинть великий
тевонзон продолжательснон—Ста-
лин ялгаты эрь шинь заботаснон
и огромный лезкснон вельде,
арасть грамотнайкс, коммунисти-
ческий обществань активнай строи-
телькс.

Населениять йоткса аф грамот-
ность и малограмотность маш-
фтома тевса аф кржа тийф минь
панчфокс панжи республиканьконь
эсовок. Однако, сави азомс, што тя
работась веши кореннойста це-
бяргафтоманц, тейназ сталинский
забота и руководства.

1940 кизонь январьт васенце
шинцты самс республикаса взрос-
лай населениять йоткса сембоц аф
грамотнайда лувондови 54798 ло-
мань и малограмотнайда—42000
ломань.

Тоса, коса тя важнейшей рабо-
тать шири шарфнихть сатомшка
мьяль партийно-комсомольский и
советский организациятне, рабо-
тань результатне аф кальдяфт.
Сире-Синдровань РОНО-ть взрос-
лай ломанень школатнен коряс
инструктороц Чумбаткина ялгась
районца неграмотность и мало-
грамотность машфтомаснон инк-
са тири пяк умелайста. Сон эсь
пингстонза эрь велеса улукс взрос-
лайнь школати нинге сьоксендакиге
кемокстась цебярь, опытной кад-
рат, конат эстакиге, большевикокс
кярьмодсть эсь тевсонды.

Лац ладьяф аф грамотнайхнен
йоткса работась Торбеевский рай-
ононь Насакина велеса. Тя велень
„Пятилетка“, „Челюскинцы“ и
Куйбышевть лемса колхознен
эса комсомолецнен и велень учи-
тельхнен инициативаснон вельде
организовандафт иляден школат,
конатнен мархта фатяфт пятай
велеса сембе аф грамотнайхне.
Комсомолецне Ильин, Панькин и
Сидоров ялгатне тонафнихть 20
лама аф грамотнай ломань кажнайсь.

Темяшева велень (Мельцанский
район) взрослай ломанень шко-
лать заведующий Якушкина ял-
гась вятсь оцю работа велеса
сембе аф грамотнайхнен и мало-
грамотнайхнен йоткса, конат тя-
ми сембе жаднайста тонафнихть.

Но йофси аф тяфта ащи тевсь
республикаты кой-конат районон-

зон эса. Ичалковский районца 1170
аф грамотнайть эзда тонафни 980
ломань, 1030 малограмотнайть эз-
да тонафни—652. Кадошкинань
районца 1978 аф грамотнайхнен
эзда тонафнемаса фатяф аныцек
828 ломань, а малограмотнайхнен
эзда тонафни аф 40 процентта
лама.

Аф грамотнайхнен йоткса нинге
сядонга кальдявста ладьяф рабо-
тась Кочкуровский, Ромодановский,
Торбеевский, Саранский, Рузаев-
ский, Ковылкинский, Рыбкинский
и лия райоттнен эса. Нят рай-
оттнен эса тя важнейшей рабо-
тать лангс партийно-комсомоль-
ский и советский организациятне
аф шарфнихть кодамовок мьяль.
Кода правила, синь эсь заседа-
нияст тя кизефксть аф ванонд-
сазь. Тянь Сюнеда азф райоттнен
эса неграмотнайхнен и малогра-
мотнайхнен общей лувкснон эзда
тонафнемаса фатяф аф 10 про-
центта лама.

Эряви азомс, што республикаса
тяфтама кальдяв положениять кар-
шес народнай образованинь оргат-
не и васендакиге МАССР-нь Нар-
компрось тюрихть йофси аф сатом-
шкаста. МАССР-нь Наркомпрось
и сонь взрослай ломанень шко-
лань управления велеса аф гра-
мотность машфтоманц колга дей-
ствительнай положениять, кода
правила, содасазь аныцек бюро-
кратический перепискаты вельде.
Тя участка эрь шинь живой ру-
ководствать колга нльне аш мезе
корхтамска, сяс мес сон катф са-
мотекти.

Тя васендакиге веши сянть, штоба
Наркомпрось и сонь местнай
органонза оду ладялезь населени-
ять йоткса неграмотность и ма-
лограмотность машфтомаса эсь
руководстваснон.

Партийно-комсомольский и со-
ветский организациятне республи-
каса аф грамотность и малограмот-
ность машфто-
маса работать должетт орга-
низовандам стане, штоба парти-
ять и правительствать населени-
ять йоткса аф грамотность и ма-
лограмотность машфтомаснон кол-
га постановленияснон полнайста
пашкодемс тя кизонь майти.

Партийнай, комсомольский, со-
ветский и профсоюзнай организа-
циятнен долгсна—сембе аф гра-
мотнайхнен и малограмотнай-
хнен инь куроконь пингста фа-
тямс тонафнемаса и сатомс сянть,
штоба Мордовский АССР-сь араль
сплошной грамотностень респуб-
ликакс.



СССР-нь Союзонь Верховнай Советть, президиумонц Указонц коряс якстерь
армеецти Григорий Степанович Пулькинт боевой заднигнен образцовайста
пашкотькшнемаснон, финский белогвардейщиназь каршес фронтса тюремаса
командованиять и тяка пингова геройствань и отвагань няфнемать инкса при-
своенай Советский Союзонь Геройнь звания Ленинонь орденоц и „Золотая
звезда“ медальть врученияснон мархта.

СНИМКАСА: Советский Союзонь Геройсь Г. С. Пулькинь.

Фото-клишесь ТАСС-ть.

МОСКУ, КРЕМЛЬ, ВКП(б)-нь ЦК-ти— СТАЛИН ЯЛГАТИ СССР-нь СНК-ти—МОЛОТОВ ЯЛГАТИ

Партиять и правительствать заданияснон омбоце пяльксон
пашкотьф. „Г. Седов“ Гренландский морянь эйхнен эзда лихтьф и
вятъф Мурманский порту. Социалистический родиназь 15 доблест-
най патриотонза састь меки советский масторти. 1940 кизонь ян-
варьт 29-це шистонза 18 частста ледоколсь „И. Сталин“ и ледо-
кольной пароходсь „Г. Седов“ сувасть Мурманский порту. Личей-
най ледоколть „И. Сталинонь“ материальной частец ащи полнай
порядкаса, экипажсь шумбра и ули счастливый пашкодемс партиять
и правительствать любой од заданияснон.

СССР-нь СНК-ть видеса Главсевморпутть начальникоц
ПАПАНИН.

„И. Сталин“ ледоколть капитаноц БЕЛОУСОВ.

„И. Сталин“ ледоколть бортоц. 1940 кизонь январьт 29-це шистонза. Мур-
манск портсь.

Честь и слава минь седовецоньконди!

Наконец-та синь мархтонокт, ня
мужественный геройхне, минь слав-
най седовецоньке! Мзяра минь
синь колгаст арьсекшнеме, мзяра
кувака ши и ков минь апак сизек,
эсь мяльсонк, эряме синь йоткскост
эйса ковандаф славнай корабльснон
лангса.

Мон верондан, што минь могу-
чай 183 миллионнай народоньке,
кона спаянай преданностьса и кель-

гомаса эсь родинацты, фалу кар-
май улема стама од геройнь и
героический подвигонь нефтома
источникоск, конатнен мархта
минь странаньконь ули правац гор-
диться.

Честь и слава минь седовецонь-
конди!

И. М. МОСКВИН, СССР-нь на-
роднай артистсь.

(ТАСС).

Ленинградский Военный Округть штабонц оперсводканза

Январьт 29-це шистонза фронт-
са мезевок существеннай ашель.

Минь авиацияньке йотафнесь
разведывательнай и боевой лиен-
демат, разнай районга праффт про-
тивниконь сисем самолетт.

Январьт 30-це шистонза мезе-
вок существеннай ашель.

Минь авиацияньке йотафсь ла-
ма удачной атакат противникть
резерванзон и военной обектонзон
ланга.

Январьт 31 шистонза фронтса
разведчикнен вешендемадост баш-
ка кодамовок боевой действиять

ашельхть.

Минь авиацияньке тиендсь раз-
ведывательнай лиендемат.

Сяда оцю мяль шарфтомс школьной эряфть шири

Мельцанский районный комсомольский организациясь пяк кржа мяльда шарфти районца школьной эряфть шири, и аф вяти работа учительхень мархта. Тя няеви то-ста, што 1939 кизоня районца учительхень йоткса комсомолу примаф анычек 12 ломань.

Тяда башка, школьной комсомольский организацияне калдявста тюрхть школаса дисциплинать цебарьгофтоманц и успеваемость касфтоманц инкса. Тянь сюнеда лиссь, што 1938—39 тонафнема кизоть пингста районца 223 ученик илядсть второгоникокс.

Вертелимский средний школаса тонафнема кизоть васень пялькстонза комсомолецхень йоткса 30 процентта лама неуспевающей комсомолец.

Моряков.

Мельцанский район.



Ленинський машина кинь Рыбной станции маневровой диспетчеронь комсомольский сменать кядьса колмоце ковсь ВКП(б)-нь райкомть и райсовотонь исполкомть переходящий якстерь знамясна.

СНИМКАСА: Н. С. Ивановсь работай диспетчер скийса. Иванов ялгась ВЛКСМ-нь узловой комитетть членон и аф кунара примаф В КП(б) нь членонди кандидаткс. Фотось Н. Гавриловть, ТАСС-ть фото-клишец.

ПРОИЗВОДСТВАСТА АПАК ТУК СТИРНИНЬ- ТРАКТОРИСТКАНЬ ЦЕБЯРЬСТА АНОКЛАМАТЬ ИНКСА ПРЕМИРОВАНИЯТЬ КОЛГА

**ВЛКСМ-нь обкомть и МАССР-нь
Наркомземть 1940-це кизонь январь
29-це шинь**

ПОСТАНОВЛЕНИЯСНА

Производстваста апак тук стирнянь-трактористкань анокламаса тонафнемать-правильнайста организовандаманкса, стирнянень йоткса кели разяснительнай работань йотафнемать инкса премировандамс:

1. 400 цалковайхть ярмакса „Комсомольский“ МТС-нь директорть политико-массовой работань коряс заместителец Семиков ялгать, конац обеспечил МТС-са 1939 кизонь декабрь 1-це шиньцы производстваста апак тук 15 стирнянь-трактористкань отличнай и цебарь оценка мархта анокламать.

2. 400 цалковайхть ярмакса ВЛКСМ-нь Мельцанский райкомть секретаренц Кочетков ялгать, ко-

нац обеспечил стирнянень йоткса кели разяснительнай работань развертываниянц и производстваста апак тук тонафнемать организовандаманц инкса (районца аноклаф 19 стирня, —тонафнихть 11 ломань).

3. 350 цалковайхть ярмакса „Комсомольский“ МТС-нь тракторнай отрядонь бригадирть Жеганов ялгать. Сон тонафнесь 6 стирнянь производстваста апак тук, конат максозь трактористкань званиянди экзаменттнень цебарь оценка мархта.

ВЛКСМ-нь Мордовский обкомть секретаренц—СОЛОВЬЕВ.

МАССР-нь Земледелиянь Наркомсь—КАРПОВ.

Примернай агитатор

„Стройтрестонь“ первичнай комсомольский организациянь комсомолец Маткин ялгась ошень Совету кочкаматнень пингста работась окружной избирательнай комиссиянь членкс, коса сон сядя башка избирательхень йоткса сталинский блокнот кандидаттнень инкса вятсь агитационно-пропагандистский оцю работа. Сон тяса накопил общественниконь-пропагандистонь замечательнай опыт.

Ошень Совету кочкамада меле сон сембе агитмассовой работань окружной избирательнай комиссияста кандозе производств. Маткин Лешась пяк упорнайста тюр агитмассовой и производственной

работатнень сочетандамаснон инкса. Тяса обеденнай перерыфнень пингста Лешась рабочайхненди фалу тиенди беседат производственной и международной кизефкснень колга. Сон рабочайхнень сембе кизефкснонды, конат лисендихть беседатнень пингста, отвечахши пяк шарьхкодевиса.

Эряви азомс, што Маткин ялгась пяк настойчивайста и упорнайста работай эсь производственной и политический знаниязон касфтомасовок. Лешась рабочайхнень йоткса пользовандай пяк оцю авторитетса.

Челмакин.

Саранск ош.

Лац ладяф массово-воспитательнай работась

Мамалаева велеса лац ладяф массово-воспитательнай работась школаса и населенянь йотксовок. Тяса колхозникненди сидеста тиендехть беседат и докладт международнай положенянь колга.

Январь 19-це шистонза клубса ульсь тиф „Кемготува киза Ленин-

фтома—Ленинть киге“ темас коря доклад, конанц кулхондозь 200 лама ломань.

Тя докладть велень трудящайхне кулхондозь пяк оцю интереса.

Н. Французов.

Рыбинский район.

Стенной печатти— оцю мяль

Стенной печатсь ащи орудиякс аф сатыкснень машфтомаса. Но сондейнза кой-кона организациятнень ширде шарфневи кржа мяльда.

Ковылкинский средний школась ссревновандай Кочелаевский средний школать мархта. Ня школатне эсь лангзост сясвь конкретнай обязательства, конатнень пяшкодемасна проверакшневихть аккуратнайста.

Кочелаевский средний школаса 7-це и 8-це классонь ученикхень йоткса кочкасть редакционной коллегия, коса эрь ковня нолневихть 6 № газетат.

Но аф тяфта ащитевсь стенной газетать мархта Ковылкинский средний школаса. Тяса аф аккуратнайста нолневихть газетатне и пяк калдяв синь художественнай оформлениясна.

В. Челмакин.

Ковылкинский район.



„Белгоскинос“ шумордазе „Моя любовь“ кино-комедиять.

СНИМКАСА: фильмаста кадр. Л. Смирнова артистка Шурать рольса и кизипялеса „артистка“ Феликс Черноускоь.

Фото-клишець ТАСС-ть.

М. В. ФРУНЗЕ

(Шачема шистонза сявомок 55 кизонц
топодеманцы, февральть 2 це шистонза
1940 кизоня)

Михаил Васильевич Фрунзе шачсь 1885 кизонь февральть 2-це шистонза Туркестанский крайнь Пишпек ошса (тяни Фрунзе ош). Михаил Васильевичть аляц—крестьянин, служендась солдатокс, а тоса фельдшеркс; тядяц тяфтажа крестьянка. 1940 кизоня Фрунзе ялгась поступил Петербургский Политехнический институту. Курок сон арась социал-демократический организациянь членкс и сразу жа шоворсь большевикненди. Фкя революционной демонстрациянь пингста сонь арестовандаз и тоса выслали Петербургста.

Фрунзе ялгась вятсь революционной работа Шуче ошса, сядя меле Иваново-Вознесенскийса. 1905 кизоня сон руководил иваново-вознесенский рабочайхнень знаменитай забастовкаснон мархта, активна участвовандась московский рабочайхнень вооруженнай восстаниясост. Фрунзе ялгась III и IV-це партийнай с'езттнень эса ульсь делегатокс.

Царский полициясь апак лотсек охотендакшнесь Фрунзе ялгать мельге.

Полицияти вооруженнай сопротивлениянь инкса военной судсь приговорил сонь смертной казняс. Смертниконь камераса Фрунзе ялгась тонафнесь иностраннай кияхнень, стройсесь платт сядя товодонь революционной работати. Страстный революционерть кипучай натурац пяк ашезе кельге праздность. Смертной казняс ульсь полафтф 10 кизаквалмонь каторгаса. Каторгатъ стака срокоц аделавсь анычек 1914 кизоня. И тага Фрунзесь чопафтсь революционной работати. Тага молихть аресттне.

Мировой империалистический войнать пингста Фрунзе ялгась „Михайлов“ фамилиять ала вяти революционной работа Западной фронтса.

Февральский революцияда меле сон вяти руководства большевистский организациятнень мархта, пуропни советт, йотафни крестьянский с'езтт, а октябрьский шитнень пингста во главе иваново-вознесенскийнь ткачень и солдатонь кафта тьожяньшка отряд мархта штурмовандакшни Москуса „Метро-

поль“ гостиничать и йорясыне тоста белогвардейцнень.

Ушедсь гражданский войнась. Фрунзе ялгась командует Восточнай фронтонь IV-це армиять мархта.

Колчаковский полчищатне нежетькшнесь Волгати. Восточнай главнай фронтсь арась гражданский войнать решающей фронтос. Партиянь Центральнай Комитетсь и Ленинць Фрунзе ялгать пугозь во главе Восточнай фронтонь армиянь группати.

Сонь смелай удароц колчаковецнень флангснон и тылснон эзга Якстерь армияти кандсь блестящай победа.

Фрунзе ялгась решающей бойхнень мархта, сонць вятсь руководства. Уфать ала колчаковецне красноармейский цепнень вализь снарядса. Тиевь угрожающей обстановка.

—Ялгат, тязя! Фталу фкявок ась колкс аф эряви потамс! Мошь мельган! Командующайсь тинь мархтонт! шамбрдомок, винтовка мархта ломанць ласьксь инголи.

Сонь содазь. Боецнень фатязень энтузиазмась. Синь од вийса мошь Фрунзеть мельге, и врагсь ашезь кирде, тусь ласькозь. Белогвардейцне ульсь тапафт и йордафт Уралть фталу.

Оренбургский степань эса бла-

годаря талантливый полководецть умелай командованиянцы Якстерь частне апак тюрхть пленц сясвь 60 тьожянь белоказак! Уральский степань эса Фрунзе ялгась громиядазе Толстов генеральт армиянц. Туркестанца Фрунзе ялгать руководстванц ала ульсь чистендаф Каспийсь. Бухараса сон лезды восставшай народти Эмирть каршес тюремаса. Тя пингть эзда англ-французский буржуазиять мекольдень ставленникоц Врангель баронць Крымста венептезе эсь вяры лапанц Донбассти и Украинати. Партиясь Фрунзе ялгать кучесы южнай фронтти, Врангельть каршес.

Южнай фронтса военной операциятне ульсь йотафтфт замечательнай искусства и стремительность мархта. Якстерь армиясь, конанц мархта вятсь руководства М. В. Фрунзесь, грамидазень врангелецнень и синь илядыкснон йордазень Чернай моряти.

Врангельский фронтть ликвидацияда меле Фрунзе ялгась командует Украинань и Крымонь вооруженнай вихнень мархта, вятсь руководства петлюровщинаць и махновщинаць ликвидациянц лангса, Весть разведкаса, мзярда кружазь махновецне, сон получась кафта

(Полатксоц 3 це страницаса).

Белофиттнень каршес бойнь Геройхне

19-це Краснознаменный полксь



СНИМКАСА: Советский Союзонь геройсь, Младшай командирсь Е. А. Луповсь.

Фотось Р. Мазелевть. ТАСС-ть фото-клишец.

Каргин трактористть образцовый работац

Йотай 1939 кизоть Сире-Шайговань МТС-са работась СТЗ-НАТИ тракторса трактористсь Каргин Христофор Алексеевич ялгась.

Каргин ялгась кизонь перьф эсь тракторонц мархта сокась лама гектархт и тись 503 трудоши, конатнень лангс получась 1509 килограмма сьора.

Тянийнь пингть Каргин ялгась лувондови инь цебярь ремонтникс МТС-са тракторонь петемаса.

Н. Атеняев.

Сире-Шайговань район.

Ленинтъ эряфонц колга доклад

Январть 23-це шистонза Од выселка велень клубса ульсь тиф Ленинтъ эряфонц и деятельности колга доклад. Докладчиксь Тараскин ялгась велеряхненди подробнайста азондозе Ленинтъ эряфонц и революционный деятельности. Тя докладть трудя шайхне кулхондозь пяк оцю воодушевлениясь.

Н. Беляев.

З. Полянский район.

раненият. Сонь идесь аныцек находчивость и смелость.

Войнада меле сембе эсь энергиязон, знаниязон и боевой опытонц Фрунзе ялгась максозень минь государстваньконь вооруженнай вийзон строительствасонды. Троцкийть и трокисттнень каршес тюремаса Фрунзе ялгась тиендсь фундамент минь странаньконь оборонанцты. Сон ульсь Революционной Военной советть председателенцты заместителькс, и тяка жа пингоне—РККА-нь штабти начальникокс и Военной Академияти начальникокс, конац тяни канни сонь лемонц. 1925 кизонь январста Фрунзе ялгась ульсь назначендаф Реввоенсоветонь председателъкс и СССР-нь Наркомвоенморкс.

1925 кизонь октябрьть 31-це шистонза странась кандсь стака имакс—кулось М. В. Фрунзесь. Фрунзеть калмамста Сталин ялгась эсь речьсонза азозе, што „Фрунзе ялгать эса минь имакфтоме минь пингонь революционерхненъ эзда фкя инь чистайть, фкя инь честнайть, фкя инь бесстрашнайть“.

Михаил Васильевич Фрунзети лучшей памятникс ащи минь героический Якстерь армияньконь несокрушимай мощец, конанди сон максозень сембе эсь вийзон и могучай талантонц.

Г. Рейхберг.

Весть 19-це полкти сась оборонань народнай комиссарсь К. Е. Ворошилов. Народнай комиссарсь ознакомилсь полктъ боевой и политической тонафнеманц мархта, проверязе сонь внутренняй распорядканц. Школать младшай начсоставонц общежитиязонза сувамаста Ворошилов ялгась лоткась пороку лангс идивандазь марьгсь: —Чорт возьми, да ты аф казарма, а дворец!

Курсантне афкукс эрясть пяк цебярь условияса.

Прощандамстонза Ворошилов ялгась поблагодарил полктъ командованиянц цебярста работамда, пожелал боецненди и командирхненди сяда товодонь успехт тонафнемасост.

Полксь нинге эста ульсь кода образец боевой тонафнемать ладямасонза. Белофиттнень каршес походса полксь лиссь цебярь боевой выучка мархта. Тя подготовкась сембода цебярста няевсь вирьса ший вастть эса действителнень маштозь мольтемаснон эзда, цебярста использовандазень тейнза максф сембе средстватнень—артиллериять и танкатнень.

Финский белогвардейщинать каршес тюремста васень бойть эздакиге полкти максф артиллериясь пяк цебярста йотафтозе артиллерийский подготовккась. Сон срафтозень врагть полевой укреплениязон, сонь огневой точканзон и сязсь кит проволоочнай заграждениятнень пачк. Полктъ батальононза тусть инголи, фатнезь пунктть пункт мельге. В. лять районца наступлениясь моли батальотне васьфтсть укреплениеянь линия, сязезь сонь и лиссть М. районти.

Противниксь тяса учессь лобовой атакат и сяс пуроптьсь тюремань лама средства. Но полктъ командироц васькафтозе врагть. Полктъ главнай вийнза апак учт густь М. пунктть шарома и вишкста тусть од киге. Старшай лейтенантсь Шебанов эсь подразделенинц мархта М.-ть шарозе кафга ширде. Врагсь, конац кемокстась М.-ти, шарьхкодсь, што сонь кружсезь. Пингсь вель ни. Белофиттне, конатнень деморализовал советский полктъ йону тактикац, эводитсь. Шобдавати Шебанов ялгась, фатямок М.-ть, педа-песапазе противникть.

Путф задачать пингта инголе

пашкодемдонза меле полксь лиссь Т. лять. Тя лять туркс йотафоль стане жа пяк цебярста.

Ляйт туркс йотафоль стама вастова, коса врагсь тянь пцтай изезе учсе. Инженернай службань начальниксь старшай лейтенантсь Филипенко и старшай лейтенантсь Сеницкий маштозь тисть план лять туркс йотамати. Цебярста арьсефоль артиллериять мархта марстонь действиянь планцьке. Шобдавати сембось аноколь. Артиллерийский ляцендемасть эшксса батальотне нежедсть лять, конанц ся вастть эса келецоль 100 метра. Тона бокти васенцеке йотась младшай лейтенантть Савиновть команданц ала группась. Сонь мельганза кармасть йотама Смирнов и Заломакин ялгатнень подразделениясь.

Противниксь ушедсь пулеметста и артиллерияста вишкста ляцендема, но мезендинге исть лоткафтов храбрецне. Тона берякти йотамда меле синь тусть инголи. Врагсь изь кенерь талакодмса, кода подразделенияне сязезь оборонань ингольденъ крайть и противникть ланга йотазь сувасть фталу противникть оборонительнай полосанцты.

Артиллериясь ляценди и фкять омбоцеть мельге машфнесыне огневой точкатнень противникть фталдонь оборонанц эса, конат шорсесть инголи молемати.

—Инголи, аныцек инголи!—ивадихть командирхне и боецне.—Шумбра улеза родинась! Шумбра улеза Сталин! Ура!

Аф лама пингта меле марнек полксь йотась лять омбокс. Ляйт туркс тя героический йотамась сувай полктъ историясь кода сонь фкя инь цебярь страницац.

Боецне, командирхне и политработникне—доблестнай федюнинецне—тя бойса вельхтязь эсь прянон неуведаемай славаца.

Сяда отличившай ялгатнень йоткса—полктъ командироц, старшай лейтенантсь Шебанов, политруксь Корнев, батальоннай комиссарсь Максимов и лама лият.

Финский белогвардейщинать каршес тюремса фронта командованиять боевой заданиязон образцовайста пашкодемаснон инкса и тяка пингть няфтьф доблестть и мужество инкса полксь награжденнай Красное Знамя ордена.

С. Вашенцев.

Норматнень пашкотькшнесазь вельф

Жегаловский крахмало-терочнай заводонь рабочайхне пяк оцю энтузиазмаса тюрхить 1940 кизонь производственной планть пашкодеманц инкса. Тяса эрь рабочайсь эсь лангозонза сязь конкретнай обязательства: производстваса работань норматнень пашкотькшнемс аныцек вельф.

Заводса крахмальной мастерхне

Бычков П. Н., Завьялов М. Д. и Хутовьев Е. Н. ялгатне эрь сметати 23 тонна модамарь-сырецть вастс шовсихть 32—33 тоннань, а сушилкса модамарень косьфтамаса норматнень пашкотькшнесазь пцтай 200 процентс.

П. Анаев.

Пурдошанский район.

Цебярь работанкса путозь конюхокс

Лама кизот работакшнесь Сире Теризморга велень „17 лет Октября“ колхозть свиноводческий фермасонза Беспалов Илья Николаевичсь. Беспалов ялгать честнай и добросовестнай работанц инкса колхозонь правлениясь ламоксть казендезе питни казнеса и тядденъ кизотъ путозе работама 2-це № бригадаты старшай конюхокс.

Беспалов ялгась эсь честнай и добросовестнай работанц мархта цебяргофтозе алашатнень мельга якамат 2-це бригадаса. Тяса алашатне ащихть цебярь состоянияс, аноклавихть тундань видемати.

Ф. Курков.

Сире Шайговань район.



СНИМКАСА: Советский Союзонь геройсь, якстерьармеецсь И. М. Ульяновсь. Фотось Р. Мазелевть. ТАСС-ть фото-клишец.

Колхознай клубть работац

Мокша Пашад велень клубса йотафневи массово-разъяснительнай оцю работа. Клубса лама литературада, газетада, журналда и ст. тов. Лама литература велень хозяйствать колга.

Тяда башка улихть шашкат, шахматт. Клубть видеса организовандафт оборонно-физкультурнай, хоровой, танцевальной кружокт, коза сувафть лама колхозник и колхозница.

Сидеста тиендевихть международнай обстановкать колга доклатт и беседат.

М. Гулькин.

Пурдошанский район.

Цебярь работась краснай уголокса

Темниковский слесарнай и комбайнеронь школаса организовандафт краснай уголок, коса заведующайкс работай Матвеев ялгась.

Уголокса организовандафт библиотека, тяса ули сатомшка художественнай, политико-экономический литература. Курсантне эсь свободнай пингстост сашендыхть книгань лувондома. Курсантсь Князев ялгась лувозень „Петр первый“, „Как закалялась сталь“ и лия книгатнень.

Тяда башка тя уголокса сидеста тиендевихть международнай положениять колга доклатт и беседат.

М. Горячкин.

Темников ош.

Активонь совещания

Январть 22-це шистонза Сире-Самаевка велень активть йоткса ульсь йотафть совещания. Кизефксь ульсь велеса афграмотность и малограмотность машфтоманц колга. Совещаниясь райсов, исплк. секретарец А. Г. Ускарев ялгась эсь докладсонза няфтезень малограмотнайхненъ и афграмотнайхненъ мархта занятиятнень эса сембе аф сатыксненъ. Тонафнихненъ йоткса кальдявста ащи посещаемость. Школав якяхть аныцек 7 ломатть 25 ломанть эзда. Совещаниясь сембе присутствовандайхне макссть вал маластонь пингть ладямс афграмотнайхненъ и малограмотнайхненъ тонафнемаснон.

Н. Поляков.

Рыбкинский район.

Наркомпросонь и горОНО-нь руководителхне юкснесазь эсь тевснот

Партиять и правительствать государственной важности поставлениясна 1939-це кизонь майть 1-це шинцы самс аф грамотности машфтоманц колга Мордовияса апак пашкотть мянь тячийнь шити самс. Эльбяткс аф ули, кда азсась, што Наркомпрость аф грамотности и малограмотности машфтоманц коряс управленияц заведующайц Шишканова ялгась тя тевть кадозе самотекти, аф вано-мок тянь лангс, што минь республиканьконь условиясонза можналь пашкодемс тя задачась.

ВКП(б)-нь Мордовский обкомть колмоце пленумоц, обсудиндамоц тя кизефктсь, обязал Наркомпрость, партийнай и советский организациятнень руководителхне обеспечить неграмотности машфтоманц колга партиять и правительствать постановленийсон пашкодеманц.

Республикаць эзга пцтай сембодонга кальдявста организовандаф аф грамотности и малограмотности машфтомац Саранск ошса. Тяса и горОНО-нь и лама предприятиянь руководителхть сянь вастс, штоба сембе вийса кярьмодемс тя важнай тевти, лама предприятиява аф грамотнайнь и малограмотнайнь тонафнемань школатне апаке организовандакт.

Тянди цебарь кепотьксоск служай ся, што ошса лувондови 835 аф грамотнай ломань, конатнень эзда тянийнь пингть тонафнихть 456, малограмотнайда сембоц 1038, а тонафни синь эздот анычек 460 ломань.

Консервнай комбинатсь лувондови Саранск ошса сембодонга оцю предприятиякс. Тяса 37 аф грамотнай и 126 малограмотнай рабочай. Можна ли комбинатть условиясонза организовандамс тя

тевть цебарьста? Можна. Тяса ульсь организовандаф школа, но сяс мес кивок сатомшка мяльсонь работанц шири ашезь шарфне, сон срадсь. Тянийнь пингть аф грамотнай и малограмотнай рабочайхне аф тонафнихть. Арси кизефкс, мес жа тяфта ащи тевсь? Апаке эльбятть можна азомс, што кодамовок мяль тянь лангс аф шарфнихть предприятиять руководителхне.

Тяфтама положенияса ащи тевсь Саранск ошень лама предприятиява. Пенькокомбинатса аф грамотности и малограмотности машфтомаса работат горОНО-сь лувондсы цебарькс. Но цебарьста ли ладяф работась? 160 аф грамотнай и 165 малограмотнай рабочайть эзда тонафни 92 ломань. Мзырда кармайхть тонафнема иляды аф грамотнай рабочайхне? Тя кизефктси нинге аф горОНО-сь, аф предприятиянь руководителхне аф максихть кодамовок ответ.

Государственной важности тя задачат пашкодемаса партийнай и комсомольский организациятне кодамовок лезкс аф максихть. А ВЛКСМ-нь горкомсь тянь шири ваны кода нормальнай явлениянь лангс. ВЛКСМ-нь горкомть школань отделоц кемокнесь кожда тяда инголе домохозяйкатнень тонафнема 50 культармеец, но синь эздот кивок ашезь йотафта фкявок занятия.

Маластонь пингть горОНО-ти марса ВЛКСМ-нь горкомть и предприятиянь руководителхнень мархта эряви кярьмодемс аф грамотности и малограмотности машфтоманцы.

И. Белов.

30 ломань иляткшни аф грамотнайста

Од Потьма велеса аф грамотнайхнень и малограмотнайхнень шири аф шарфнихть йофси кодамовок мяль, мезень сюнеда велеса 30 лама ломань мянь тячимс иляткшихть аф грамотнайкс и малограмотнайкс.

Рыбкинань райОНО-сь райононь населениять йоткса тя важнейшай работат пашкодеманц шири должен шарфтомс инь серьезнай мяль.

Рыбкинань район.

Чуркин.

Кульмассовой работат эзда ашихть ширеса

Клубсь и изба-читальнясь велеса ашихть культурнай очагокс. Но Рузонь од Пашад велень руководителхне велеса изба-читальнять лангс ваныхть суронь пачк.

Тяса изба-читальнясь фалу эрай пикстафста, да и аш кинди сон панжемска. Вдь соньэсонза нльне

аш заведующайге.

Велень советти и комсомольский организацияти пинге ви кярьмодемс тя работань важнейшай участкати.

А. Ломакин.

Пурдошанский район.

Осоавиахимский организациясь аф работай

Од Выселка велень средний школань комсомольский организациясь и Калининть лемса колхозть правленияц аф шарфни мяль осоавиахимский организациять лангс, конац аф вяти кодамовок обороннай работа.

Якстерь Армиять и Военно-Морской Флотть 22 годовщианцы аф аноклакшнени ПВХО-нь и Ворошиловский стрелоконь фкявок зничкист.

В. Обшев.

Зубово-Полянский район

„СРЕДСТВАТ АШ“

Анаева велень связань отделение помещенияс эрай стама якшама, што сонь эсонза нльне эйндэкшихть чернилатне.


Отделениань начальниксь Костин ялгась аф весть обращался Зубово-Полянский связань райконтторать начальниконцы Сухарников ялгати, штоба сон нодаль пенгянди средстват, но нят сембе нефтома обращениятнень каршес

Сухарниковть ответоц фкя: „Средстват аш“, вешада тосток.

МАССР-нь связань конторась Анаева велень связань отделение работанцы нормальнай условиянь максомать инкса должен примамс эрjavик мерат инь нюрхкяня пингста.

Сотрудник.

З. Полянский район.



Йотафнемок сембе массовой потреблениянь товархнень „военнай контрбандань“ шарьхкодема алу, англичатне конфискуют груснень и фатнихть йомла нейтральной странань парохотт (газетатнень эзда). „Од гулливер“.

Рисункась Б. Анфиловть, ТАСС-ть фото-клишец

Монгольский Народнай Республикаць и Манчжоу-Готь йоткса аф кунардонь конфликтонь районца границат ладяманц колга смешаннай комиссиять марстонь официальной сообщенияц

Комиссиять кемготува заседания эса, конат ульсь 1939 кизонь декабрьт сисемце шистонза ушedomок комсь ветице шинц самс Чита ошса и 1940 кизонь январьт сисемце шистонза ушedomок колмогемонце шинцы самс Харбин ошса, содавсь, што границань ладяма кизефктсь эса советско-монгольский и японо-манч-

жоугосский делегациятнень мяльс-на противоположнайхть.

Сяс сторонатнень мяльснотнень про-тивоположностнотнот сюнеда тя кизонь январьт колмогемонце шистонза комиссиять мекольдень заседаниясонза, конац йотась Япониять правительстванц уполномоченнайц Кубота господиять председателстванц ала, решил эсь работанц лоткафтомс.

ТАСС-ть примечанияц

Советско-монгольский и японо-манчжоугосский представительхнень эзда делегациятнень смешаннай комиссиясон целец ульсь ладямс точнай граница Монгольский Народнай Республикаць и Манчжоу-Готь йоткса 1939 кизонь кизонда советско-японский содаф конфликтть районца соответствующай авторитетнай официальной документтнень коряс. Ня документтнень ваном посвященайхтельхть смешаннай комиссиять Читаса и Харбина заседаниянза 1939 кизонь декабрьста и тя кизонь январьста. Сяс, мес японо-манчжоугосский ширеть документонза, конат кирдихть цель обоснован-

дамс кунара уликс и кинге ширдеспорнайнди апаке лувонт границат линиянц одукс ваноманц, аф кирдихть кодамовок авторитетнай официальной документонь признакт, советско-монгольский делегациясь отказась ня документтнень признадамда кода основа границат ладяманцы. Сяс, мес отказась японо-манчжоугосский ширесь советско-монгольский ширеста представленнай авторитетнай официальной документтнень признадамда и сяс, мес ширетне лядсть эсь мяльснотнот мархта смешаннай комиссиясь лоткась работамда и тусь марстонь согласованнай решениянь апаке примак.

Иностраннай печатсь „Седовть“ дрейфонц аделаманц колга

Сембе германский газетатне печатласть сообщеният геройхнень седовецнень Мурманский благополучнайста пачкодемаснот колга. Печатсь сьормады лама тьожятть ся ломаттнень нефтема радостсон колга, конат васьфтезь кораблять легендарнай команданц. Литовский известнай писательсь, СССР-са нароттнень культураснот тонафнема обществань руководителхнень йоткста фкясь—Сюдас Гира сьормады:

„Радиось пачфтсь сембе мирти Арктикань геройхнень Оцю Модать лангс благополучнайста мрдаснот колга радостнай куля. Седи вакса поздравляю смелай исследовательхнень, конат пик цебарьста пашкодезь тяшкава труднай задачат. Тя задачась кирди пик оцю значения наукати“.

(ТАСС).

Хоть вандыкиге видема

„Дружба“ колхозсь пик активнай аноклай тундань видемати. Сонь уликс 117 центнер видьмонь сьоронза сембе пик аруста триеровандафт, конат тьяни ашихть цебарь, коське помещенияс.

Колхозсь вельхозмашинанзон—плукнень, сеялкатнень и инзаматнень петезень 100 процентс.

„Дружба“ колхозсь 1940 кизонь

хозяйственнай работанзон йотафтысь нинге садонга цебарьста, садонга нюрхкяня пингста.

П. Анаев.

Пурдошанский район

Ответ. редакторть инкоа Дм. РОДИН.